



Selasa, 06 Pebruari 2024

Ogen : Miha 7:8-13



La Ndekah I bas Kiniseran



Gundari i bas gelap, pagi erdalan nge kami i bas terang. Gambaren pengharapen nabi Miha man Tuhan. Tuhu, bangsa Israel sangana i bas kiniseran erkiteken hukuman Tuhan. Sangana jongkang ras guling ulih la mperdiateken pengajaren Tuhan. Miha ngidah maka Tuhan labo lalap merawa, lit pagi paksana ipepulungNa mulihi bangsana, si jongkang ndai ipetedisNa, si idehken musuh-musuhna, ibelaNa, si enggo marpar merap IbabaNa mulih. Pulung kerina mulihi i Jerusalem, kuta kemulihen bangsaNa.

Ukumen e jadi dalam Miha mereken kesadaran man bangsa Israel. Lit kerina resikona kai si idalanken kita. Bujur pe lit nge ulihna, jahat pe bage kang. Arah ukumen si idalani bangsa Israel paksa e, nuduhkan maka ia ersalah ras erdosa man Tuhan. E maka labo lit dalanna mbela dirina sabap Tuhan jine enggo ngatakensa ia iukum. Kesadaren nandang i dosa ras ngakukensa i lebe-lebe Dibata me dalanna bangsa enda ndatken perkuah ate. Ndai ia i bas gelap, mulihken ku dalam terang.

Ukumen Tuhan e labo kekal, keleng ateNa nge si kekal man kalak si ipilihNa. Pelajaren man banta, kai pe siilakoken kita lit kerina ulihna. Si bujur pe siidalanken lit pagi ulihna, si la bujur pe bage kang. I bas masa pemilihan calon pemimpinta, me pangen nge si dalanken si bujur? Bagi Miha, si bujur idalankenna, lit si mehuli jadi man bangsa Israel. Enterem kita banci bagi Miha, amin sekelewetta la ndalanken si bujur. Iperdiateken Tuhan nge perbahanen kalak si bujur. Pengarapenta enterem denga min si bujur bas negaranta, gelah tetap aman ras damai bangsanta.

🔍 Pangen kentsik mesera, seterusnya kita mejuah-juah